



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

9 Ecclesiae bona possunt etiam alienari intuitu pietatis, ut in alimoniam pauperum, in redemptionem captivorum, & pluribus alijs de causis.

urn:nbn:de:hbz:466:1-10316

condit. & demonstra. & in l. lecta. nu. 7. ff. si
cer. pet. Dec. cons. 89. nu. 3. & cons. 523. n. 4.
& Paris. cons. 26. num. 9. volum. 2. & sic tem-
pus elapsum primæ concessionis. glo. in
clem. i. in verb. extunc. de jur. patr. & Abb.
in cap. pastoralis. num. 3. de except.

4 Secundò quod ad bona t̄ exigui valoris
videtur, quod nec illa bona immobila ec-
clesie donari, commutari, vel vendi pos-
sint. ut est text. in dicto capit. sine exceptione
fere per totum. 12. questione secunda. capit.
casuas 10 questione secunda, super quo for-
matur regula, præsertim itantibus verbis
generalibus, quibus Leo Papa ibi usus fuit,
videlicet sine exceptione decernimus, ne
quis Episcopus de rebus ecclesiæ suæ
quidquam donare, &c. quod nulla bona
ecclesiæ, etiam pauci valoris, alienari pos-
sint, cum verbum, quidquam, ibi positum
sit generale. quod nihil excipit gl. in extrav.
tom. cap. unic. n. sed. vac. aliq. innov. in verb.
& si quidquam. & Joanti. venit enim Prin-
ceps mundi hujus, & in me non habet
quidquam cap. 14. infin. confirmatur dicta
regula, quia quicunque t̄ Episcoporum,
presbyterorum, aut diaconorum oblitus
Dei, & decreti prohibiti iminemor, in
constitutum committentes prædium ec-
clesiæ magnurn, vel exiguum, vel quid-
quam de jure ecclesiæ alienare tentaverit,
& donator, & alienator, & vendor
honoris sui amissione est mulctandus
cap. quicunque. il. 1. 16. quest. 4. Rebuff.
in comp. alien. rer. Eccles. numer. 58. & 59.
Redo. de reb. eccles. non alienan. quest. 13.
numer. 1. & 2.

Fallit tamen dicta regula, primò in bo-
nis t̄ immobilibus parvi momenti, ut sunt
terrulae, & vineola. cap. terrulae. 12. qu. 2.
& ibi Propos. & Arch. & hic est unus ex

casibus à jure permisis à Paulo II. in d.
extravag. Ambitioæ, exceptus. & propter-
ea si Episcopus alienat rem minimam,
pœnam non incurrit, quia ista modica sunt
exempta ab omni solemnitate, & juris dis-
positione, ut in d. cap. terrulas. Abb. in cap.
ut super per illum textum. numero 14. de reb.
Eccl. non alienan & Red. d. quest. 13. nu. 11.
& 17. eod. tit. & rem minimam judican-
dam puto juxta t̄ instantem provincialium,
& synodalium decretorum cujusque pa-
triæ, cum in his attendatur loci consuetu-
do. cap. ceterum. & ibi Abb. nu. 4. de donat.
& Red. in d. qu. 13 nu. 15.

8 Secundò terza ecclesiæ t̄ sterilis potest
in emphyteusim concedi ei, cuius studio
teducatur ad culturam. cap. ea enim. §. per-
petua quoque 10. quest. 2. cap. ad aures & ibi
Abb. num. 1. de reb. eccles. non alien. &c post-
modum ad culturam redactæ hæredi eo-
rum, à quibus suo, vel parentum suorum
labore constituerit esse ad culturam reda-
ctas, in calum devolutionis poterunt jure
ad censum concedi, habita ratione utilita-
tis, quæ tempore renovationis investituræ
facienda percipi possit, ut in d. c. ad aures.
& ibi gloss. in verb. tunc. & Abb. nu. 4. cum
alii supra, & in dicta decif. 360. num. 7.
allegatis.

9 Tertiò pietatis t̄ intuitu. gloss. in cap.
1. 12. quest. 2. quia aurum habet Ecclesia,
non ut servet, sed ut eroget, & subveniat
in necessitatibus: aurum Sacra menta
non querunt, neque auro placent, auro
non emuntur, ornatus factorum est redemptio captivorum, & vera illa sunt
vasa præiosa, quæ redimunt animas à
morte: ille verus thesaurus est Domini,
qui operatur, quod sanguis ejus est opera-
tus, & nemo potest dicere, cur pauper

T 3 vivit?

vivit & nemo potest queri, quia captivi redempti sunt, nemo potest accusare, quia templum Dei est ædificatum, vel cœneterium ampliatum, quia in almonia pauperum, redemptione captivorum, ædificatione templi, vel augmentatione cœmeterii, possunt bona Ecclesia alienari. cap. sacrorum & cap. aurum. &c ibi glossa in ver. in hū d. q. 2. Fed. de Sen. conf. 224 num. 5. Et gloria Episcopi est pauperibus providere, ignominia sacerdotis est propriis studere divitiis. cap. gloria † Episcopi ead. q. 2. & pluribus aliis de causis possunt bona ecclesiastica certo modo & in subsidium, quando necessitatibus alter succurri non potest, alienari, de quibus per Rebuff. in suo compend. alien. rer. eccl. à num. 25. usque ad num. 34. & per Red. q. 11. 12. 13. 19. 20. & 21. eod. tit.

¶ Et, quoniam dominia † civitatum, & castrorum S. R. E. propter custodiā, & præsidium in eis maxima cum impensa manutenendum magis damnosa, quam utilia, quandoque dicebantur, propterea, adhibitis solemnitatibus juris, plura in feudum fuerant concessa, quæ, si tractu temporis ad Ecclesiam devolvebantur, iterum de novo aliis sine solemnitate concedebantur, quia eadem causa prima durare videbatur, & ultima investitura non judicabatur nova alienatio, sed priors infeudationis continuatio cap. consuluit. de tude. & Sarrac. & ibi Abb. num. 1. Felyn. in c. cùm accessissent. n. 33. de conf. & Red. de reb. eccl. non alien. q. 12. num. 59. Sed, cùm postea experientia docuerit, nonnullos nimium ambitiosos, & dominandi cupidos

sub variis prætextibus, coloribus, & eausis lèpe etiam falsis, aliquibus Romanis Pontificibus, suggestionibus, & insinuationibus suis conatos esse ostendere, & persuadere, magis utile, & expediens Sanctæ Romanae Ecclesiæ, & Sedi Apostolicae fuisse, si aliquæ civitates, terræ, oppida, castra, arces, & loca, ad jus, & proprietatem ejusdem Sedis pertinentia, in feudum, gubernium, Vicariatum, Ducatum, aut quemvis alium titulum perpetuum, vel ad tertiam generationem, seu ad vitam, aut alias ad longum tempus concederentur, vel etiam ex eo, quod alias in feudum data, aut quovis alio titulo hujusmodi alienata fuissent, & ad sedem præfamat devoluta, vel devolvenda, de jure terum infeudari, & alienari non posse, & debere, atque inde nonnullas alienationes, infeudationes, & concessiones à Sede Apostolica emanasse, ex quibus illa non mediocrem diminutionem patrimonii, & existimationis recepit;

¶ Pius V. motu † proprio, & ex certa scientia, ac de Apostolicæ potestatis plenitudine, atque de S. R. E. Cardinalium in consistorio secreto consilio, & unanimi assensu, qui etiam jura ruit constitutioni non contravenire, nec Pontificibus alienationes contra suam constitutionem attentantibus consentire, & absolutiones à jureamento prædicto non petere, nec acceptare, sua perpetuò validura constitutione deravit, & declaravit, civitates, & loca præfata hactenus in feudum, aut quemvis alienationis titulum dari solita, vel consueta ad Sedem prædictam quomodolibet devoluta, & pro tempore devolvenda, absque alia ulteriori declaratione, & illorum possessionis apprehensione, eo ipso Sedi,